

ԵՂՈՒՅԲԱԿԱՆ ՌԵՍՊՈՒԲԼԻԿԱՆԵՐՈՒՄ

«ԻՔԵՐՈՎՈՎԿԱՍՅԱՆ ԼԵՋՎԱՐԱՆՈՒԹՅՈՒՆ» Հ. III,
1952, էջ X + 536 ՎՐԱՑԱԿԱՆ ՍՍՌ ԳԱ-Ի ՀՐԱՏԱՐԱԿՈՒԹՅՈՒՆ

Վերջերս լույս տեսավ Վրացական ՍՍՌ ԳԱ-ի Լեզվաբանության ինստիտուտի «Իրերո-վոփկասյան լեզվաբանություն» աշխատությունների ժողովածուի երրորդ ստվարա-ձավալ հատորը՝ Վրաց. ՍՍՌ ԳԱ-ի իսկական անդամ Արնոլդ Չիքորավայի խմբագրու-թյամբ:

Ի. Վ. Ստալինի լեզվաբանական հանճարեղ, դարագլուխ կազմող աշխատությունը «Մարքսիզմը և լեզվաբանության հարցերը» հիմք զրեց սովետական լեզվաբանության հզոր վերելքին և հետագա անարգել զարգացմանը: Սովետական լեզվաբանները, առաջ-նորդվելով ընկեր Ստալինի հանճարեղ աշխատության դրույթներով, հսկայական աշխա-տանք են կատարում սովետական լեզվաբանության առաջ դրված խնդիրները լուծելու ուղղությամբ:

Ահա այս հույժ կարևոր խնդիրն է նպատակ դրել Վրաց. ՍՍՌ ԳԱ-ի Լեզվաբանու-թյան ինստիտուտի «Իրերո-վոփկասյան լեզվաբանության» տվյալ, երրորդ հատորը: Այս հատորն ամբողջապես նվիրված է ընդհանուր լեզվաբանության հարցերին, որոնք քննու-թյան են առնված այստեղ Ի. Վ. Ստալինի լեզվաբանական աշխատությունների լույսի տակ:

Ժողովածուի առաջին երկու հոդվածներն են պրոֆեսոր Քեթո Լոթթաթիձեի «Ի. Վ. Ստալինի «Մարքսիզմը և լեզվաբանության հարցերը» աշխատությունը և նրա խնայակությունը սովետական լեզվաբանության համար» և պրոֆ. Արն. Չիքորավայի «Սովետական լեզվաբանության խնդիրները և հիմնական պրոբլեմները» հոդվածները: Շատ հետաքրքրական է պրոֆ. Արն. Չիքորավայի հոդվածը, ուր հեղինակը իրեն հատուկ բազ-մակողմանիությամբ, փաստերի լայն օգտագործումով ու հիմնավորումով տալիս է սովե-տական լեզվաբանության առաջնահերթ խնդիրները, նրա հիմնական պրոբլեմները՝ ելնելով ստալինյան լեզվաբանության հիմնարար դրույթներից: Տալով լեզուների ծագման ան-կան ուսումնասիրության կամ պատմա-համեմատական մեթոդի առավելությունները՝ ձե-վաբանական դասակարգման կամ մառյան իդեալիստական քառատարր վերլուծության, լեզուների ստադիալ զարգացման հակադիտական տեսության համեմատությամբ՝ հեղինա-կը միաժամանակ ընդգծում է պատմա-համեմատական մեթոդի լուրջ թերությունները: «Սա զարմանալի էլ չէ, — գրում է Արն. Չիքորավան, — գոյություն ունեն պատմա-հա-մեմատական քերականություններ, գոյություն ունեն տարբեր լեզվաընտանիքների ու լեզվախմբերի պատմա-համեմատական բառարաններ, բայց գոյություն չունի այն մեթո-դի թերիան, որի համաձայն այս բոլորը մշակվում էր ու մշակվում է»:

Հեղինակը պատմա-համեմատական մեթոդի հիմնական թերությունների կողքին տա-լով միաժամանակ նրա առավելությունները, այն, որ այդ մեթոդը լեզվաբանին մղում է դեպի աշխատանք, դեպի լեզուների ուսումնասիրություն, գրում է. «Լեզվաբանը, որ չի տիրապետում կոնկրետ լեզվական նյութին, որ չի ուսումնասիրում ոչ մի կոնկրետ լեզու, չի կարող դառնալ լեզվի իսկական տեսաբան: Նման «անլեզու» լեզվաբաններ աճեցին լեզ-վի «նոր ուսմունքի» տիրապետության ժամանակ: Նման «անլեզու» լեզվաբաններ, միայն ընդհանուր լեզվաբանության «մասնագետներ» սովետական լեզվաբանությանը օգուտ չեն բերել և չեն էլ կարող բերել» (էջ 9):

Մառյան իդեալիստական քառատարր վերլուծությունը դուրկ լինելով պատմական ամեն տեսակի հիմքից՝ ոչ մի օգուտ չի բերել սովետական լեզվաբանությանը: Սրա հետ միասին հեղինակն իր այս հոդվածում քննադատության է ենթարկում նաև թյուրքական

այսպես կոչված «գյուլենիզմի» («արևի լեզուն») տեսությունները, եթե Ն. Մառի բառատարը վերլուծությունը աշխարհի բոլոր լեզուները հանում էր տխրահռչակ շորս էլեմենտներից, ապա թյուրքական «գյուլենիզմի» մաքուր իդեալիստական ու ռասսայական-շովինիստական, դիտություն հետ ոչ մի կապ չունեցող «տեսություն» համաձայն բոլոր լեզուները ծագում են մի էլեմենտից, պարզ ասած՝ թյուրքական լեզվի ան («սպիտակ») բառից (!), իսկ առումով՝ թյուրքական լեզվից (!), թյուրքական «լեզվաբանները» իրենց «տեսություն» մառյան իդեալիստական ու հակապատմական քառատարը վերլուծությունից էլ հեռու են դնում:

Սովետական լեզվաբանների հզոր կոնկլուզիա—ավարտում է իր հոգվածը հեղինակը—մարքսիզմի սկզբունքների, լեզվի մասին ստալինյան հանճարեղ ուսմունքի վրա հիմնվելով, Սովետական Միության լեզվաբան լեզուները խորը ուսումնասիրելով, բնագիտությունը լեզվաբանության ետամնացությունը հաղթահարելով, լեզվի էության և ծագման շրջված հարցերը բոլոր արժանվույն լուծելով, լեզվի և մտածողության փոխհարաբերության հարցը խորապես ուսումնասիրելով, նկարագրական քերականության սխեմա կառուցելով՝ կարող է բոլոր արժանվույն լուծել այն մեծ խնդիրը, որ դրել է ընկեր Ստալինը լեզվաբանների առաջ, այն է՝ ներդրել մարքսիզմը լեզվաբանության մեջ, ամենաառաջավոր հասարակական դիտության հիմքի վրա ստեղծել ամենաառաջավոր լեզվաբանություն:

Ժողովածուի համարը երեք հոգվածները—պրոֆ. Քեթո Լոմթաթիձեի «Լեզվի զարգացման օրինաչափության հարցի մասին» և ավագ դիտական աշխատողներ՝ Էլիզար Լոմթաթի «Լեզվի զարգացման բնույթի մասին» և Եթա Գափրինյանի «Լեզվի զարգացման բնույթի մասին»—վերաբերում են լեզվի զարգացման առավել բարդ ու նվազ չափով ուսումնասիրված լեզվի զարգացման օրինաչափության և նրա զարգացման բնույթի հարցերին:

Լեզվի զարգացման ներքին օրենքներն ու օրինաչափությունները տարբեր լեզուներում և տարբեր լեզուների զարգացման տարբեր շրջաններում ու փուլերում հործում են տարբեր չափերով ու ձևերով: Քերականության էության ստալինյան սահմանման հետ կապված լեզվի քերականական կառուցվածքի զարգացմանը հատուկ է այն բնահանուր տենդենցը, որի համաձայն համեմատաբար նվազ աքստրակտ կատեգորիաներից անցում է կատարվում դեպի առավել արստրակտ կատեգորիաները: Սա է լեզվի զարգացման հիմնական տենդենցներից մեկը, որը նկատելի է ինչպես բառապաշարի, այնպես էլ քերականական կառուցվածքի ոլորտում: Այս տեսակետից էլ չի կարելի մի մակարդակի վրա դնել, մի կողմից, պրիմիտիվ կամ չզարգացած ժողովուրդների լեզուների համար բնորոշ կոնկրետ մտածողությունից ելնող անունների բազմազանությունը և, մյուս կողմից, զարգացած ժողովուրդների լեզուներին հատուկ՝ գոյության տեսություն, տեխնիկայի, դիտության և արդյունաբերության այս կամ այն բնագավառի մասնադիտացմամբ և զարգացմամբ առաջացած բառային կազմի բազմազանությունը: Որքան հարուստ ու բազմազան է բառային կազմը, այնքան ավելի հարուստ ու զարգացած է լեզուն: Իսկ քերականությունը մարդկային մտածողության երկարատև, արստրաֆոդ աշխատանքի արդյունքն է, մտածողության վիթխարի հաղողությունների ցուցանիշը: Ուստի և լեզվի զարգացման հարցի համար խիստ կարևոր է, թե ինչն է փոխվում լեզվի մեջ, ինչպես է փոխվում հասարակության զարգացման հետ կապված, կամ ինչպիսին է լեզվի զարգացման ներքին օրենքների և հասարակության զարգացման փոխհարաբերությունը: Այս կապակցության մեջ պետք է քննել լեզվի հարցերը, քանի որ հասարակությունից դուրս լեզու չկա, և հասարակություն է այդ լեզվի ստեղծողն ու կրողը, նրա զարգացնողն ու կատարելագործողը:

Շատ կարևոր է լեզվի ու մտածողության փոխհարաբերության հարցը, կարևոր է պարզել, թե ինչպես է կատարվում մտածողության զարգացումը լեզվաիրողությունների: Այս հարցը առանձնապես բարդ և չուսումնասիրված հարց է, որի լուծումը պահանջում է լեզվաբանների, հոգեբանների, ֆիզիոլոգների և փիլիսոփաների համագործակցությունը: Ինչպե՞ս հարցի ճիշտ լուծումը կսահմանի լեզվի կատեգորիաների՝ ձևարանական, շարահյուսական, իմաստարանական կատեգորիաների հարցի ճիշտ լուծումը՝ հիմնվելով լեզվի և մտածողության միասնության ստալինյան ուսմունքի վրա: Այս տեսակետից հետաքրքրական է Դ. Ուղենաձեի անվան չորեքանության ինստիտուտի ավագ դիտական աշխատակից Դարեջան Ռամիշվիլու հոգվածը՝ «Մտածողության և լեզվի փոխհարաբերության հարցի մասին իդեալիստական և սովետական հոգեբանության մեջ», ուր

հեղինակը տալիս է արտասահմանյան իդեալիստական հոգեբանության հիմնական հոսանքների սկզբունքային քննադատությունը և նրանց հակադրում է սովետական հոգեբանության ձեռք բերած որոշակի նվաճումները:

Համաժողովրդական լեզվի և տերիտորիալ բարբառների հարցին է նվիրված Իվանե Գիդինեի շվիլու հոդվածը՝ «Բ. Վ. Ստալինի ուսմունքը համաժողովրդական լեզվի և բարբառների մասին և միասնական վրաց դրական լեզվի հարցերը», ուր հեղինակը վրաց լեզվի հարուստ նյութի հիման վրա լայն առումով քննության է առնում միասնական վրաց դրական լեզվի մի շարք կարևորագույն հարցերը՝ լեզվի ստալինյան ուսմունքի լույսի տակ:

Ծագումաբանական դասակարգման ակտուալ հարցերի վերլուծությանն է նվիրված Թինաթին Շարաձենիձեի «Լեզուների ծագումաբանական դասակարգում» բավական ընդարձակ հոդվածը: Սա հեղինակի թեկնածուական դիսերտացիայի մի ստվար մասն է, ուր նա տվել է ծագումաբանական դասակարգման սկզբունքները, նրա պատմությունը, քննության է առել լեզուների բաժանման ու ճյուղավորման, խառնման ու ազդակցման հարցերը, հիմնական գծերով քննել է, մի կողմից, ծագումաբանական դասակարգման մի քանի հարցեր բուրժուական լեզվաբանության մեջ և, մյուս կողմից, լեզուների ծագումաբանական դասակարգման հարցերը Բ. Վ. Ստալինի լեզվաբանական ուսմունքի մեջ, և այլն:

Ն. Մառի, այսպես կոչված, լեզվի «նոր ուսմունքի» ստադիալ դասակարգման, հակապատմական տեսության և արտասահմանյան իդեալիստական հոսանքների քննադատությունը արված է չորս հոդվածներում: Դրանք հետևյալ հոդվածներն են՝ պրոֆ. Արն. Զիքորավայի «Պատմականության հարցը լեզվաբանության մեջ», Գ. Խոզավայի «Արխագերեն և հադիգերեն լեզուների պատմության վուլգար-մատերիալիստական հասկացման մի քանի նմուշի մասին Բ. Վ. Ստալինի լեզվաբանական ուսմունքի լույսի տակ» և Թինաթին Շարաձենիձեի «Լեզուների ստադիալ դասակարգում»:

Ժողովածուն ընդհանուր լեզվաբանության մի շարք կարևորագույն հարցերին նվիրված իր այս բազմազան հոդվածներով, որոնք գրված են Բ. Վ. Ստալինի լեզվաբանական աշխատությունների լույսի տակ և փաստական հարուստ նյութի հիման վրա, գիտական մեծ հետաքրքրություն է ներկայացնում:

Ա. ՄՈՒՐՎԱԼՅԱՆ